

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i Programa utroška budžetskih sredstava (Kapitalni transferi drugim nivoima vlasti – za tržnice) usvojenog Zaključkom Vlade Kantona, broj: 02-11-8736/23 od 26.05.2023. godine, na prijedlog Ministarstva za privredu/gospodarstvo, Vlada Zeničko-dobojskog kantona, na 32. sjednici, održanoj dana 18.08.2023. godine, d o n o s i

ZAKLJUČAK

I.

Daje se suglasnost na Uputstvo za dodjelu sredstava po Programu utroška budžetskih sredstava u 2023. godini - Kapitalni transferi drugim nivoima vlasti - za tržnice, broj: 04-11-8736-1/23 od 16.08.2023. godine, koje čini sastavni dio ovog zaključka.

II.

Zaključak stupa na snagu danom donošenja.

Broj: 02-_____/23
Datum, 18.08.2023. godine
Z e n i c a

PREMIJER
po ovlaštenju

Dženana Čišija

DOSTAVLJENO:

1x Ministarstvo za privredu/gospodarstvo,
1x a/a.



UPUTSTVO
O POSTUPCIMA I KRITERIJIMA ZA ODOBRAVANJE I DODJELU
SREDSTAVA POTICAJA NAMJENJENIH SUBVENCIONIRANJU TROŠKOVA
IZGRADNJE TRŽNICA NA PODRUČJU
ZENIČKO-DOBOJSKOG KANTONA

Zenica, kolovoz 2023. godine

1. ZAKONSKI OSNOV ZA DONOŠENJE PROGRAMA UTROŠKA BUDŽETSKIH SREDSTAVA U 2023. GODINI

Zakonski osnov za donošenje Programa utroška budžetskih sredstava u 2023. godini – Kapitalni transferi drugim nivoima vlasti - sadržan je u članu 29. stav (2) i članu 46. stav (1) Zakona o izvršavanju budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 03/23 i 10/23) .

2. II IZVOR FINANCIRANJA

Budžetom Zeničko-dobojskog kantona za 2023. godinu („Službene novine Zeničko-dobojskog kantona“, broj: 03/23), planirana su financijska sredstva, ekonomski kod 615100 IAD 008– Kapitalni transferi drugim nivoima vlasti u iznosu od **400.000,00 KM**.

3. UPUTSTVO ZA DODJELU SREDSTAVA U 2023.GODINI

Ministarstvo će raspisati javni poziv za dodjelu sredstava, u skladu sa Uputstvom za dodjelu sredstava za izgradnju tržnica u jedinicama lokalne samouprave u 2023. godini, članom 28. stav (1) Zakona o izvršavanju budžeta Zeničko- dobojskog kantona, koristeći Smjernice o minimalnim standardima dodjele budžetskih sredstava putem transfera i subvencija („Službene novine Federacije BiH“, broj: 15/18), u mjeri u kojoj je primjenjivo, kako je to utvrđeno u članu 47. Zakona o izvršavanju budžeta Zeničko-dobojskog kantona. Javni poziv će, u skladu sa Uputstvom za dodjelu sredstava u 2023. godini, točkom 23. c. Smjernica o minimalnim standardima dodjele budžetskih sredstava putem transfera i subvencija, sadržavati pisane kriterije na osnovu kojih će se izvršiti odabir kandidiranih projekata, sve u cilju efikasne, ekonomične i efektivne upotrebe namjenskih sredstava.

Utjecaj globalizacije u svijetu, pa i u Europskoj uniji, stvorio je preduvjete stvaranja novih tržišta i povećanja konkurencije. Osnovni faktor razvoja postaju investicije, koje direktno utječu na zaposlenost kao strateški interes zajednice. Stoga je od posebnog značaja postići najmanju početnu cijenu investicija. Jedan od osnovnih faktora utjecaja na početnu cijenu investicije je prostor za izgradnju objekata kao što su tržnice.

Realizacijom ovog projekta Vlada Kantona će:

- pojačati investicijske aktivnosti,
- osigurati novo zapošljavanje,
- zadovoljiti potrebe obrtnika za opremljenim građevinskim zemljištem za proizvodne, uslužne i trgovačke djelatnosti,
- stvoriti imidž Kantona kao poželjnog područja za nova ulaganja,
- povećanjem prodaje lokalnih proizvoda doprinosi se povećanju prihoda proizvođača i lokalnog stanovništva, te poboljšanju uvjeta života,
- unaprijeđenje kvalitete lokalnih proizvoda, higijene i sigurnosti hrane uspostavljanjem boljih uvjeta i opremljenosti prodajnih mjesta,
- promoviranje dobrih poslovnih praksi i održivog razvoja uključujući aspekte zaštite okoliša, javnog zdravstva i sigurnosti hrane.

JAVNI POZIV ZA PRIKUPLJANJE ZAHTJEVA ZA ODOBRAVANJE I DODJELU FINANCIJSKIH SREDSTAVA NAMJENJENIH SUBVENCIONIRANJU TROŠKOVA KOD IZGRADNJE TRŽNICA

Ciljevi: Odobravanje nepovratnih financijskih sredstava osiguranih za subvencioniranje dijela administrativnih troškova kod izgradnje tržnica.

Prihvatljivost podnosioca prijave:

Pravo korištenja poticajnih sredstava imaju općine/gradovi u Zeničko-dobojskom kantonu, tj. jedinice lokalne samouprave(u daljem tekstu JLS), te javna poduzeća sa sjedištem u Zeničko-dobojskom kantonu – upravitelji tržnica, koji planiraju izgradnju objekta ili planiraju izvršiti izmjenu namjene postojećeg objekta na području Zeničko-dobojskog kantona.

Neprihvatljivi podnosioci prijave:

Pravo na korištenje poticaja nema investitor koji već ima izgrađen objekt tržnice na prostoru JLS ili planira uređivati iznajmljeni prostor.

Pravo na dodjelu sredstava ne mogu ostvariti podnosioci zahtjeva koji nisu opravdali uplaćena poticajna sredstva Ministarstva za privredu/gospodarstvo iz 2021. i 2022. godine. Izuzetno, korisnici poticajnih grant sredstava Ministarstva za privredu/gospodarstvo iz 2022. godine, kojima je rok za realizaciju projekta u toku, imaju pravo učešća po ovom javnom pozivu.

Jedan korisnik poticaja može koristiti najviše jednu vrstu poticaja Ministarstva za privredu/gospodarstvo u tekućoj budžetskoj godini.

Uredan zahtjev sadrži:

- Zahtjev sa nazivom tržnice i kratkim opisom planiranih radova,
- Iznos traženih poticajnih sredstava sa obrazloženjem visine traženih sredstava i svrhe utroška sredstava(budžet projekta),
- Original ili ovjerena kopija prikupljene dokumentacije za planirani objekt(urbanistička suglasnost, suglasnosti za priključke, odobrenje za građenje),
- Tlocrt i predmjer radova za planirani objekt sa jasno vidnom površinom objekta,
- Iznos sufinansiranja iz vlastitih izvora ,
- Očekivane rezultate projekta i plan završetka radova,
- Potpis načelnika/gradonačelnika i pečat JLS, tj.direktora javnog poduzeća i pečat javnog poduzeća.

Uz zahtjev JLS ili javno poduzeće- upravitelj tržnice dostavlja **original ili ovjerenu kopiju:**

- Urbanističke suglasnosti,
- Suglasnosti za priključke instalacija,
- Odobrenja za građenje po projektnoj dokumentaciji,
- Predmjer i predračun radova izgradnje komunalne infrastrukture po Glavnom projektu/faze projekta tržnice ili potpisan Ugovor o izvođenja radova po Glavnom projektu zone/Faze projekta tržnice,
- Tlocrta objekta iz Glavnog projekta sa vidljivo naznačenom površinom objekta;
- Dokaz o visini sredstava iz vlastitih izvora koja moraju biti raspoloživa i osigurana u trenutku podnošenja zahtjeva (relevantni ugovori ili odluke o financiranju, budžet JLS sa odobrenim financijskim sredstvima na ekonomskom kodu za tržnice),
- Pismo namjere JLS (Prilog I),
- Dozvola za obavljanje registrirane djelatnosti ili odgovarajući akt nadležnog inspeksijskog organa ili Obavještenje o razvrstavanju pravnog lica prema djelatnosti izdato od Federalnog zavoda za statistiku, iz kojih je vidljivo da privredno društvo obavlja djelatnost iz točaka 1. i 2. Javnog poziva(za javna poduzeća).

Zahtjev koji ne sadrži svu dokumentaciju traženu Javnim pozivom, koji nije pravovremen, odbacuje se zbog neispunjavanja formalno-pravnih uvjeta, bez obaveze daljnjeg razmatranja.

JLS ili javno poduzeće-upravitelj tržnice, može koristiti jednu vrstu poticaja Ministarstva za privredu/gospodarstvo Zeničko-dobojskog kantona po osnovu javnih poziva objavljenih u 2023. godini na web stranici Kantona.

Pravo na subvenciju po Javnom pozivu ne može ostvariti subjekt kojem je za istu investiciju i iste prihvatljive troškove (ukupno ili djelomično) dodijeljena druga financijska pomoć od strane donatora, Vlade Zeničko-dobojskog kantona ili neke druge institucije u Federaciji BiH.

Zahtjevi korisnika sredstava poticaja Ministarstva za privredu/gospodarstvo koji nisu opravdali isplaćena poticajna sredstva Ministarstva za privredu/gospodarstvu u 2021. i 2022. godini, neće se uzeti u razmatranje. Izuzetno, korisnici poticajnih grant sredstava Ministarstva za privredu/gospodarstvo iz 2022. godine, kojima je rok za realizaciju projekta u toku, imaju pravo sudjelovanja po ovom javnom pozivu.

Zahtjevi korisnika sredstava poticaja Ministarstva za privredu/gospodarstvo koji imaju neizmirene financijske obaveze prema Budžetu Zeničko-dobojskog kantona neće se uzeti u razmatranje. Ministarstvo za privredu/gospodarstvo će službenim putem izvršiti provjeru navedenog kod Ministarstva financija Zeničko-dobojskog kantona.

Vlada Kantona može opozvati donesene odluke zavisno od dinamike priliva budžetskih sredstava. U postupku po Javnom pozivu Ministarstvo ne snosi nikakve troškove učesnika Javnog poziva. Ministarstvo ne snosi odgovornost prema učesnicima Javnog poziva, u pogledu aktivnosti koje su poduzeli u cilju apliciranja za određeni poticaj.

Dostavljena dokumentacija se ne vraća podnosiocu prijave.

Zahtjeve sa priložima, podnosioci zahtjeva moraju dostavljati u zatvorenoj koverti.

Na poleđini koverta obavezno navesti:

- **naziv subjekta;**
- **adresu i kontakt telefon;**
- **ovjeriti pečatom.**

Zatvorene koverta dostavljaju se osobno na Protokol Zeničko-dobojskog kantona ili putem poštom na sljedeću adresu:

ZENIČKO-DOBOJSKI
KANTON
Ministarstvo za
privredu/gospodarstvo
KOMISIJA ZA OCJENU ZAHTJEVA ZA ODOBRAVANJE I DODJELU
FINANCIJSKIH SREDSTAVA NAMIJENJENIH SUBVENCIONIRANJU
ADMINISTRATIVNIH TROŠKOVA KOD IZGRADNJE TRŽNICA
Kučukovići br. 2
72 000 Zenica
S naznakom: "NE OTVARATI"

Prijave dostavljene drugim putem (npr. putem faksa ili e-mail), neće biti uzete u razmatranje.

IV ROK

Javnim pozivima precizirat će se rok za dostavu dokumentacije odnosno krajnji datum dostave dokumentacije.

V KOMISIJSKA OCJENA

Ministar rješenjem imenuje i razrješava komisiju za izbor korisnika poticajnih sredstava .

Za svoj rad komisija odgovara ministru Ministarstva za privredu/gospodarstvo.

Po uredno prispjelim zahtjevu, na osnovu kriterija naznačenih u javnom pozivu, Komisija vrši ocjenjivanje prijava. Komisija sačinjava listu podnosilaca prijava koji nisu uvršteni na listu potencijalnih korisnika iz formalno-pravnih razloga (sa navođenjem razloga neuvrštavanja), koju Ministarstvo objavljuje na web stranici Kantona. Podnosilac prijave, u cilju zaštite svojih prava, može uložiti prigovor Ministarstvu u roku od osam dana od dana objave navedene liste na web stranici Kantona.

VI POSTUPAK ODOBRAVANJA

Nakon postupanja po svim prigovorima, Ministarstvo utvrđuje prijedlog odluke o izboru korisnika poticajnih sredstava sa iznosom sredstava, a odluku na prijedlog Ministarstva donosi Vlada. Odluka se objavljuje na web stranici Kantona. Vlada Kantona može opozvati donesenu odluku zavisno od dinamike priliva budžetskih sredstava.

VII ISPLATA SREDSTAVA - REALIZACIJA POTICAJA

Na osnovu odluka o odobravanju sredstava i/ili potpisanih ugovora sa korisnicima sredstava, Ministarstvo za privredu/gospodarstvo podnosi naloge za isplatu sredstava Ministarstvu financija.

Broj: 04-11-8736-1/23
Zenica, 16.08.2023. godine
Šibonjić

MINISTAR

Samir

